



靈川稿
人人稿
川

共三

^18
2450
3 止



2395
2450
3止

40.3.15
書入レ西川

續編卷之三

靈川先生

冠山錄中

續編卷之三

夜坐

深閑軒窓卧土床短檠孤燭對相忘心
閑正合看書卷夜久還從入睡鄉渚鴈
飛之驚曉月村舂急、擣清霜丈夫事
業終何就竹杖茶甌尚在傍

奉寄冲源

高卷之三

相思長惻々別後轉依々一夜情無盡
千山夢自飛風高葉下惡地濶鴈來稀
唯有佳期在明春歸未歸

余讀選詩至思王悲歌再三玩吟
不覺愴然於懷嗚呼此雖幾失
古雅遺韻然於流離困頓之人
尤有感動之者遂作古詩以自
遣云

誰謂嘯也歌々亦有所思昔者殷公子

傷心過殷基徘徊無所見獨看黍離々
哭泣皆不可作歌遂泄悲人情無古今
千載可以推年々芳草綠王孫無返期
滿目都悽斷此時當何爲男兒意自長
俯仰空躊躇始歌浮雲愁再歌商飈吹
我歌雖欲已我懷無休時落日歌不止
鬱々還怡々湘纍獨何事攬涕扈江蘼

李別侍衛挽章

李君有宅臨江渚流落相從已七年將

謂彈碁娛晚景那知漬酒吊寒天釣磯
寂々窺山月喬木依々鎖暮烟可惜九
原無起日桐華草屋亦蕭然

長門夜雨

太守命題與諸生同賦

斗帳沉々夜漏長洞房起坐心已懶銀
缸耿々孤燭殘博山裊々香一炷遮前
寒雨忽蕭々初疑衆葉鳴枯樹空階歷
歷漸成滴愁思無端集眉宇可憐雨中
人事異後遮歡樂離宮苦徘徊悵望不

自進還如阻雨空倚柱憶曾繁華渾似
夢篋中只有同心縷我愁多於雨脚繁
直與斑々盈九土安得淚血和此雨昭
陽歎裡灑瓊戶香輦不回今幾日昔年
誓咎徒自數妾當萬死猶不廢一身濫
荷天恩溥誰能屑々悲秋扇綠衣白華
傳自古瀟湘竟與二女伴斑竹林中聽
秋雨

銅雀硯

此亦與諸生同賦者

悠々今古閱幾千許多物變知無窮我
得古瓦作為硯撫摩遠想空忡々云昔
老瞞竊九鼎忽有銅雀凌蒼穹一木一
土漢家物爾胡為乎居其中恨爾不與
銅仙泣更助猾賊心充々嬌歌慢舞日
歡娛四顧無何誇大功分香一去事已
非西陵墓樹多悲風此時悲歡爾飽看
應笑盛衰如飛鴻幾年埋沒荆棘裡究
氣鬱々衝長空堅凝遠過端溪質叩之

鏗鉤聲似銅相知文客詎非幸晴窓托
契當始終必知款湔當年辱肯隨詩人
事雕虫老我幸有紫陽筆為向黃初誅
奸雄

題畫竹奉寄素庵

枯桑海水知風寒天涯誰識長極目汀
洲縱有芳杜若奈此蕭々江上竹傷心
日夜撫容與歲晚猶能慰幽獨此物可
以遺所思臨風遠寄淚一掬

戲奉善叔

聞道名花第一枝，慙慙初自錦城移。從
今空館多情興，寄語山僧報曉遲。是時善叔

為量田敬差官到府留數月使僧點漏故末句及之

題畫竹贈別善叔

天涯會面似相期，芳草如何又別離。香
杳青雲留不住，送君聊贈碧寒姿。

題畫竹送寄清卿

我在江之南，君在青雲端。青雲與江南

相去迥曼曼，思之不可見。望之山嶺屹，
幾見草萋萋。年年芳意闌，唯有舊時情。
萬里空團圓，攬涕臨汀洲。日夜長盤桓，
蒼々江上竹。歲暮相與吟，風苦蕭々。
泣露清漙漙，清苦此可愛。向風發浩歎，
窮荒誰復知。相看獨自酸，此豈與俗言
聊贈太史官。

見素庵奴歸京即書一絕寄贈

迢々城角綠陰連，終日無人坐獨眠。但

使小童唯護竹此間幽事爾能傳

期梁處士不至

處士胡爲期不來空江月照獨徘徊長
歌徹夜無人和林竹時時響送哀

詠曉

畫角城頭報曉聲非烟非霧勢將明濛
濛天地初無位鬱鬱山川漸露形羲御
祇應催海上車音知是赴晨征自來自
去何時已徒使人間今古成

夏日有懷

迢迢綠樹接江沅牛散平蕪夕不收落
日亭下低遠嶺群鷗故處集芳洲沉吟
獨向籬邊立懶倦還尋竹裡休相憶故
人何處見岸花汀草揔離愁

芳草年年怨未歸幾回汀渚對斜暉悠
悠悵望天邊鶻寂寂空臨柳下磯沉醉
但能消永日長歌聊復惜分飛五年南
土如鄉國莫問吾生客也非

畫坐書事

羈囚天之涯已矣無傷嗟茅屋架高岸
開戶臨汀洲連空鳥爭噪簷短漏日華
岸巾獨自娛汲泉聊試茶提孩小兒女
踉蹌拾落花盈裳進我前噴々空矜誇
閑寂此閑慰亦可忘幽遐我觀達者心
榮悴無等差隨地皆自在何用賦楚些
有所思

有所思
所思何所思朝々暮々空有思欲

往出門江水深欲望登高山嶮巖我無
羽翼難爲飛徒將結佩臨江湄美人玉
容如日光每拜朝暎退且悲美人金闕
在雲中遙望五雲空躡蹻美人前後新
人多新人如花情自比故人遠棄漸憔悴
昔時光寵那得期美人不是踈故人
故人顏衰寵亦衰唯有丹心尚不改日
夜獨抱空自知三五月圓便時缺此心
團々無日虧如何南國杜鵑多夜々哀

苦啼花枝此是香々千年恨况我愁思
方此時此時此時復千年千年我又何
物爲紛紛々此時苦樂事千年正似雲去
移我願化爲遼東鶴一來北地聊一啣

寄忍齋

望人々不見空見山外山崔嵬復崔嵬
却略相回環誰能爲我剗直視千里間
雖不近相接相望無阻艱我知群山多
欲剗又堅煩精衛欲填海千載徒無閑

兩意苦相同一笑還潛々雖有此芳杜
地遠空自攀欲寄竟無由延佇臨回灣
遠意自不已奈此憔悴顏

夜坐偶吟

三五月當空幽房無復燈琴書自凌亂
竹几聊獨憑俯視大江動滉漾金波增
浩浩々天地間一氣空清凝吾欲吸沆瀣
碧空仍飛騰大海涉淼渺象岳越峻嶒
丹丘尋羽人相與結爲朋遨遊度千歲

其樂浩難勝忽念在拘囚一笑還可矜
顧影復何為窓間髮鬢鬢

詠愁次杜工部韻

日夜能令白髮生佳時佳節最難情春
深苦厭風花惱秋晚生憎江月明不是
兵家空結陣有何寇逼又堅城窮家歡
伯難頻要時賴無絃膝上橫

夏日獨眠夢中得一句一枕清風
我獨知覺而遂演之為七律一篇

云

乳燕聲中日正遲森疎新竹欲林時柳
邊黃鸝已羞老山外白雲空作奇無事
但能心得之有書時自意怡之幽軒終
日唯閑睡一枕清風我獨知

題養心堂

養心作堂號可識主人心道義唯其好
功名詎敢淫青山如對揖流水自相尋
不是薰膏養身肥世所欽

苦熱中偶書

六月火雲正焦土，紛々行客復何歸。清風松榻獨無事，閑看燕兒初學飛。

聞正叔所題為一官所奪戲書三

絕奉寄正叔兼示平叔

飄々狂蝶從何來，折得花枝去不回。自是主人衰氣力，未能深處好栽培。駟騎翩翩踏綠陰，美人腰細似難任。自從飛渡長橋後，漠々音容何處尋。

老厭園花喜野花，野花還厭老蟠々一。朝飛趁狂風去，剩被園花笑更多。

卞餘慶挽章

名大孫甲子進士

晚交猶莫逆，寂寞况天涯。尋寺清秋後，遊江落月時。空餘雙玉羨，復有隻鷺悲。時對東村老，思君淚幾垂。

題成佛寺壁二首

古寺無人到，幽階雲不收。暗虫偏響夕，裊葉苦吟秋。拱手龜如拜，塵顏佛似羞。

荒涼金碧地清思獨躊躇

老檜何年植巖扃此地幽殘僧皆曲背

古佛盡抽眸赤葉明斜日蒼松卧石流

客懷還自笑物外復悲秋

贈超上人

枯瘦皮黏骨生年未可諳行裝唯草履

身世此雲龕月照心俱潔天空意遠叅

安閑塵外事羈困我多慙

贈梁處士

中子山中梁處士黃昏來坐月如鑷清

晨告別欲歸去蘆荻花邊寒雨沾

雨中書懷奉呈仁補行軒

是時仁補為量

田敬差官到此

散盡林鴉大野空天衢雲物遠溟濛長

橋風雨人蹤斷落木江山歲律窮萬事

淒涼吟益苦千愁苑結酒難功客軒唯

有聞琴約亦恐猗蘭惱病翁

十七夜遇橘亭飲酒有感用貞曜

先生韻書示

曠載一相見苦語寒夜中酒罷就衾幃
山月移窓東相逢此相喜睡眠難濛々
所思各天涯落葉驚高風勉哉勿復憂
吾道天所窮

是夜橘亭出示景仰所贈一絕次
韻以示

橘竹爲籬山作鄰幾回清思費吟呻世
間萬事看來足閑卧菟裘計已真

奉次仁補詠雪藍字韻

滕六今朝初纘纘頑雲四塞勢將嚴已
憐謝女吟飛絮更怕韓郎奏瑞藍暫列
但能銷瘴毒堅凝毋使天勾尖晚來推
徑糝糊沒却恐窮生突不黔

送冲舉赴北路評事

塞北飛騰去江南愁柰何相思香篋斗
長望隔關河朔漠聲名遠清都雨露多
君恩是榮孝香草莫悲歌

雪後復用前韻又添餘字奉呈仁

補

回風惡雪夜來僉到曉方知暫解嚴遙
惜洛妃難抗佩還怜海賈不售鹽積深
大野高陵沒寒透吟窓凍筆尖盈尺瘴
鄉今始見為題詩句賀南黔

一夕守初携文叔來訪與仁補會
叙于客館夜還得三絕明日奉寄
守初文叔兼示仁補末篇為文叔

作

與君平日夢相同今夜還疑亦夢中萬
事人間都是夢明朝分袂轉成空
草屋蕭然傍海陬小軒猶可共淹留自
知窮病難娛客唯有閑窓俯碧流
憶昔驪江欲暮秋小舸斜日幾同遊十
年青眼渾依舊今夜相看愧白頭
仁補詩以邀我即步韻奉答
一自謫南中萬事如浮埃但幸支五載

濫荷天恩恢蕭然數間屋斂迹門不開
通來被君邀屢起勞筋骸寒月照客館
往來知幾回此會後難期吾亦不自顏
談懷夜必深擁爐寒氣排以病雖廢酌
古琴何悠哉時々發長吟明珠隨唾咳
最怜月欲西小笛聞落梅暖律非鄒子
凄苦心不諧晚來館窠落將與子徘徊

仁補之來有一疾族隨
焉善鼓琴又善短笛

戲次橘亭香奩韻以亂夫遺意噫

此豈善為謔者耶

嬌姿逸態晚來加嫋目流光動客
謂人間長會合月中遙指笑嫦娥
冠山竒遇喜無他柰此忽々遠別何若
使天公知我意馬頭應遣白雲遮
琴臺千載已頽崩誰遣冠山作茂陵酒
盡金樽賓客散差參蟬鬢起吹燈
尋春芳約不須欺杜牧終嗟去較遲妾
住光城第一里門前長待玉驄嘶

巫山一別望迢々雲雨荒臺愁暮朝玉
佩珊々猶在耳相思不見夜何遙

書懷三首奉寄橘亭無示仁補

橘亭望不見極浦但蒼茫棲息書千卷
歡娛琴一張澗蘋空自潔幽佩為誰香
日夜思君意滄々江水長

有羨光城子天南作使星悲歡頭幾白
窮達眼雙青喜極心還苦歌長淚欲零
功名時不失勛爾在芳齡此首為
仁補作

鄭子枯桐響聞來意未闌繁絃彈別鶴
希韻奏猗蘭枉渚驚鴻起滄洲寒月團
何當對遠者一聽而三歎鄭子即仁
補庶族也

李濟叟訪我旋來旋返戲題一絕
來從何處去何鄉倏忽還如野花狂客
裡暫逢寧不見夕陽還別倍回腸

用前韻醉贈衡之別

天涯斜日再逢君柰此分携南北雲可
惜一樽情不盡長歌醉裡謾紛々

遇柳伯應弟作詩寄之

依稀面目此相逢
琴酒何時見禿翁
只有天涯傳一語
清秋匹馬訪南中

贈別仁補七言八律

流落江南已五年
山城草屋獨顛連
逢君此日情何限
恠我今朝病忽痊
孤館幾同聞小筵
一樽頻對討新篇
人間會合終難保
相送汀洲望更延
之子為人誰與同
遠求千載古人中心

如水玉清無雜
才似江河浩不窮
并介豈能隨俗化
弛張聊復與時通
平生補袞堂之志
合置蓬萊第一宮

獻歲江南已發春
乾坤更始屬茲辰
欣萬物皆將泰
鬱之孤生獨自屯
異域流年如許過
長洲芳草幾回新
縱然千里空憔悴
猶荷全生天地仁

襞積群愁會別場
不堪煩翫欲顛狂
迷茫江柳初含嫩
寂寞籬梅已拆芳
空想

夜軒催玉柱更思沙渚倒瓊觴此情杳
杳難忘却聊寄歸雲萬里長

決色天涯倍黯然江臯携坐草生邊斜
陽荏苒添離恨嶺路迷茫沒晚烟悵別
不堪情袞袞相看空有淚漣漣羨君親

近東來客又著斑衣舞壽筵

是時余亦
迎婿于京

家故未
句及之

驪江追憶舊遊時與子同舟信所之明
月半江金滉漾亂峰當酒碧參差飄揚

此日如雲鶴局促于今類繫騏况是相
逢千里外十年人事付長噫

相同數月此非常今日分離又恨忙雖
識吾心還可笑只緣君去不禁傷三冬
談譚渾如夢千里情懷尚未忘誰謂窮
人無所贈寒梅唯有數枝香

渺々家山在鳳城送君今日若為情遮
前松竹自相對案上琴書誰為橫萬里
山河空寂寞孤城日夜獨屏營可憐魂

夢唯知路寄與東風共爾行

仲春初與亨仲子潤會奉訥齋先

生遊寶林寺西溪

暮投伽智寺朝訪西溪邊拾石為平座
分流作小川尋詩空兀爾對酒復陶然
向晚長風三相携未覺還

寶林一名伽智

次韻

訥齋

小溪成晚酌滋味蜜中邊僧菜來前
寺春鮮出近川分携相悵望邂逅共

忻然落日挑詩處松又鶴獨還

奉次訥齋先生韻

曾惜溪山空往來今參詞伯共低回相
尋幾夢東臯宅偶值還傾客裡杯
窮愁裁短句為掩高興騁長林
明朝出洞分南北渺々天涯我獨迴

次韻

訥齋

前度劉郎今又來龍池日月七環回
同遊吾黨皆佳士列坐前溪接數杯

吹面水風醒醉眼拂天烟樹供詩材
老僧助興携松釀壓倒衰翁不放迴

野望

麥秋已半黃客意轉淒涼白鷺翩過
昏鴉閃光城花雖可愛野哭又堪傷
萬事窮途裡家園獨未忘

題畫竹贈別人

無竹令人俗曾憑古語聞關西無此物
為寫贈夫君

頃承訥齋先生和韻不勝欽歎之
至仍綴荒句以成七言三律送寄
尹亨仲之行奉呈訥齋案下用希
介正

公昔淮陽方卧時我承嘉惠到南垂
峨峨竹嶺空延望渺渺冠山獨自悲六
載豈料成會面數宵聊復荷論詩追思
雲壑久携屐不耐攀翻幽桂枝
先生少小志堂餘事文章聳四方落

日沈湘愁杜若清秋朔漠凜長槍

却恐中宵衝斗傍安得被

之七絃上五雲深處奏 君王

尹子於公心不已又鞭羸馬謁高筵落

花飄拂談詩處夜月徘徊送酒邊既襲

芝蘭盈佩飾肯容荆棘雜情田自怜太

史周南滯極目歸雲思惘然

婦巖詩并序

長興治東有山曰億佛其上有

石兀立而北向長丈餘正如人

獨立而望遠者厥名婦巖也考

諸輿地志但有其名而不著其事

意或望夫石之類也余作短篇

以寓其意云

昔聞望夫石而今見婦巖問婦有何冤

萬古空巉巖煩然自無語不是口三緘

風雨以擲沐苔蘚以為衫可怜北望懷

默之徒自銜莫惜無人知月星長照監

贈別英之

人世生為貴相逢必有時聊同青眼喜
還作白頭悲瘴海身千里離懷酒一卮
幾宵空獨笑蓬島夢追隨
燭跋見將盡子規啼歇時孤吟無限意
短世有餘悲別促難留夜情深各倒卮
明朝分袂後何處更相隨

再奉訥齋

空懷曠世志萬古獨茫茫大雅已沉沒

朱絃誰復張遲々澗松晚郁々汀蘭香
結佩幾延佇至今芳意長

磊落名高斗龍鍾運值奇平生唯壯志
餘事是清詩為郡荒三迳遣懷賦五悲
自知空偃蹇嗟尹復何為

嶺外雙飛鳥天南柱史星苦懷江月白
極目海峰青磊砢形容瘦蕭疎鬢髮零
幾回悲索寞離別足餘齡

金碧招提境幽尋嶺路窮相逢百代下

忽見古人風落、乾坤裡悠、氣槩中
令人苦相憶別後望長空

玉珂鳴紫陌旭日始朝暉獻納心如結
封章筆似飛幾年借河內萬里隔

宸園佳節偏傷感空看草木菲

天上清都在何人倚玉闌瑤池雲縹渺

桂陌露凝團夢裡仙蕭遠人間望眼寒

冷然思不極誰與共長歎

南樓會飲仍以南樓納涼為題呼

韻各賦

迨、河朔隔天東到處炎蒸困病翁今
日南樓參會席正如飈御上蒼空

清仲求余墨君余於兩幅各書一

絕寄贈

欲採幽蘭寄遠思秋風嫋、便經衰此

君高節同寒暑君子以之終不離

天教病客落南賓寫盡湘江碧玉真卷

送人家千百軸此生長被此君嗔

東亭次韻奉呈和之

萬事渾無興佳遊未必違芳洲聊極目
白鳥與忘機終日臨風坐何如帶月歸
吾家在山北竹裡半開扉

悲歡人世事與子更依違謾讀潛夫傳
聊懷靜者機佳山與佳水同賞又同歸
想得桐華洞家僮倚夕扉

賦三絕錄奉于晉以為行贐

海外相逢俱白髮秋風蕭瑟助悽悲剩

知人世生為貴雖有睽離見有時

昔年我少君為壯今日君衰我亦然我

雖愁病徑衰老人世忽忙儘可伶

落日清樽臨別路秋光淡々帶江濱一

杯南北分携去只有白蘋愁殺人

聞孟容公路過兵營詩以寄別

三年海外苦相思今日還程且莫追細
柳營邊雲獨去汭陽江畔客增悲鵬途
萬里聲名遠鵬舍孤懷鬢髮垂從此人

間難會面九原泉路是為期

偶題今日寫懷

今日已去復來日今夜已盡復來夜日
夜相對愁轉深愁與日夜皆無暇此生
過了真可難咄々自嗟誰為吒山深谷
幽有何聞林鳥返哺聲啞々聞之不覺
淡自下我為遷客情難瀉瘴炎南天伴
魑魅迫此奇禍身如假心傷北堂彩衣
襞夢裏時著何轄々依稀鶴髮覺來思

西日蒼茫悲易下有兄三人早辭世暮
景字々唯我藉分離一夕隔天涯危念
鬱結誰能化丈夫固可同死生有
慮豈無怕遮前風竹為我鳴窓外梅花
為我謝地窮滄海返無期可憐阮籍何
獨駕伍徊顧眄影相隨縹緲玉京千峰
亞但有城頭暮歸翼願許長空暫時跨
見妹書喜甚作妹即庶妹為別坐
河灌之副室居于

昌寧不相見
者今十餘年

有妹有妹在嶺南不見于今餘十年鳥
嶺我直撐空山路綿邈知幾千側身
南望不可見乾坤漠漠愁雲烟因風遠
致一封書意長言盡心悄我置床頭
不敢讀兩地別恨空綿昔為漢北連
枝樹今日落葉分翻何當一時會本
根寫我憂思俱歡然人生不死幸相見
不須於悒空填咽

對可支食煎餅

可支何處雨中來煎餅初成雪似堆食
罷仍言今歲旱麥秋無地不全災

全災即農

家語

摘亭惠豆詩以謝焉

尹子不是監河候救我不用三百金遠
分南畝少收豆迺是子輿裹飯心咄嗟
何須金谷法瓦釜亦覺幽興深土床不
羨紅錦帳初日照窓猶擁衾卧聽騷
粥熟時何處蓬頭曳履君家尋

次韻題野人堂代作

野堂寥落傍雲隈
晚景蒼茫首重回
行鴈遠連山影落
樵歌空帶夕陽來
謾令長遂臨風弄
更遣清樽對月開
為訪幽閑成一醉
世間榮宦杳浮埃

次橘亭感春香奩韻五絕

昔年王母見瑤臺
青鳥如今來不來
可惜春風幾多日
汀洲空見落花堆
落花時節倍相思
生別人間悲莫悲
抗

佩至今空悵望
潛川何日更相期
春光物色轉頭新
楊柳長堤遊冶人
獨惜佳辰空晷晷
深閨徒自起芳塵
江水離懷誰與深
相思空作白頭吟
斜陽掩面春風立
雙淚縱橫濕翠襟
江洲悵望海山遙
芳思青春不自聊
苦憶當年同樂處
月明瑤瑟奏中宵
風雨中獨坐意無聊
輒成長句一篇奉寄子潤求和

篇奉寄子潤求和

窓外正風雨蕭然以終朝獨坐無以慰
睡鄉聊逍遙覺來意恹恍倚壁不自聊
忽余思悠々廣文亦寂寥鬢堂廓而空
紙窓何備々豈不相招邀寫憂以陶々
泥滓深沒膝咫尺千里遙徒將一樽酒
愁腸獨自澆醺然復微醉仰宇一長謡
索寞誰為和鬱々雙鬢彫徘徊無所寄
暮暗山之椒仍之送君去願言報瓊瑤
淵谷以書遺楮生與蟹胥而蟹胥

不至余於是作詩一篇以寄一以
為謝一以更索蕪異和示

江南上游有礪良非海非山于康歲貢
毛雖未諸郡方會稽二浙聊可當主人
念我最非常為致土物驚遐鄉余初見
書喜欲狂催呼赤脚巫入堂但見楮生
頽然長不覩郭索來登床我恐答省道
遺忘出入更僕問諸詳竟將垂索視行
裝坐使妻子顏無光可怜知白喜文章

獨尋三友來文房顧我年來志荒亡既
饒於口徒遑々汚池小渠亦彷徨終日
把竿心茫々况此螭蟬無他腸腑中唯
有堆雌黃漬盞沃酒雜椒薑又忝皂筴
經冬歲華堂薦進一盤香座客噴々皆
軒張余始聞之自洗洋不覺垂涎於口
傍太守好事固無量更煩一力投潛即
形模雖入一笑場風味可能極口嘗我
非宋■戒侈荒束縛千百庸何傷君不

見畢生左手持青匡右手執酒觴浮泊
酒池一生空倘佯

題得卿妻挽二律

早荷相國訓于歸事可傳相期俱白首
忽別便青年傷往劉郎賦悼亡騎省篇
沉吟情已苦稚齒又牽聯

門祚如灰冷年々運值奇甥銜琴瑟恨
舅抱脊令悲是時庶妹在嶺南亦亡匍匐皆千里
周遑共一時天涯題毀壁又此寫哀辭

子潤始見白髮驚恠之甚賦二律
見寄即用其韻報之

年非催白憂催白日
星星苦不停世外空聞有丹竈
人間無術制頽齡
只添霜雪相爭潔
縱值春風未遣青
磊落廣文長醉倒
龍鍾逐客獨愁醒

自笑狂夫老更狂
白頭何處薦瓊芳
每臨綠酒驚身世
更對青銅撫鬢霜
暮雨未能尋舊約
落花徒自惜頽光
纔經三

十心猶苦萬事人間
祇可傷

重三日次韻走筆奉寄子潤

九十春光寂寞中
山城過雨已殘紅
街頭柳綠鶯求友
野外江空燕倚風
歲月無窮空苒苒
世人何事亦怱怱
年來衰困甘閑卧
未得清樽一笑同

空堂落日獨逡巡
遇此重三更惜春風
急遮花千片落
雨餘芳草一番新
世間榮悴從來異
此日悲歡自不勻
惆悵江

城無限意一年愁病負良辰

病中用子潤韻又效其體奉和

九十春光尚不多廣文徒自飲無何東
軒宴罷歸來晚細馬南郊更馱花

九十春光尚不多賞心其柰病夫何遙
知芳草汀洲畔醉倚瓊樽又插花

用淵谷先生韻奉別大樹

斜陽苒之下層岡日極長江思渺茫
電一權真似夢短亭芳草暗摧腸

次韻奉答淵谷

柴扉剝啄莫辭頻寂寞楊雄誰與親獨
有汀沙白鷗立相看隨意岸鳥巾

昔日思君夢見頻今朝魚鳥更相親少
游歎段閑來往竹下蕭然對幅巾

陶君何事去來頻三迳唯餘松菊親李
白長流夜即在夢中時作吐龍巾

草堂謾詠

雲陰暗長渚綠水空逶迤茅堂景欲晏

悠々悵幽期天命儘難測萬事何參差
枯桐發古音微醺吐清詞聊為此日樂
永久臨江湄

對雨有懷

風雨颯然至凄々草樹清大野暗不開
遠灘霹靂々蕭條坐軒楹望極繁雲生
有懷橘亭翁於馬若為情秋來各愁思
况對寒雨聲迢々江上路漠々青山橫
徒然折瓊枝延佇空屏營

秋思

秋風淅瀝動疎麻汀渚微茫落日斜無
限離愁空悵望蜻蜒隨意點蘋花

次韻別人

古郭山雲暗前池石澗分汀洲天欲雨
何處送夫君

戲次泗川守韻

竹陰公館靜細雨接清杯公子風情遠
織歌莫放回

次韻贈梁大春別

江介秋風起客子愁暮年淒淒對寒雨
漠漠望長天歸思青楓外幽期白鳥前
殘生無限恨聊與一杯傳
萬死投南極窮愁已八年生涯餘白髮
身世付蒼天草屋幽篁裡江洲斷岸前
摘亭相憶苦君去好音傳

獨坐寓興

寂寞柴扉掩竹林紙窓明處見吾心蕭

然終日嫌無事讀罷中庸又鼓琴

次韻奉贈梁大春

秋風嫋嫋動輕波汀渚蕭然客意多流
落十年俱白髮夕陽愁殺采菱歌
瘴鄉寥落寄餘生悵望家園路幾程賴
有江南江上竹暮年蕭瑟作寒盟

畫竹二幅贈別友人

南國秋風晚汀洲杜若衰別君贈何物
賴有歲寒姿

風雪中摘亭欲還為賦一絕挽之
風驅飛雪暗長洲極目迷茫歸路愁世
事百年皆迫促問君何惜暫淹留

深岵道中

琤々石澗咽寒流兩岸森沉雲木稠暮
暎崎嶇纔出谷眼明山月照滄洲

雪中有懷錄奉子潤

寒雲負負雪飄颺風利如刀觸似銛為
問廣文何樣在自怜病客不勝當土床

方學龜深縮凍路其如馬欲僵今日未
能成會面明朝妍暖赴蠻堂

李上舍大游月夕携酒見訪賦七

律奉謝

月滿汀洲雪滿山客來何處扣柴關小
童行橐一壺酒草屋寒窓唯病顏竹影
婆娑迷榻外鴈聲嘹唳叫雲間知君此
夜多清興正似剡溪獨往還

欽之為 御史到府道訪我仍遺

紙筆作詩奉謝

多謝繡衣天上客窮荒千里訪柴荆可
怜別後何日慰賴有文房二友生

庚申夜與子潤對飲

守夜元非為許虫竹軒聊愛月朦朧况
携佳友連床坐細酌沉吟對雪峰

次韻戲荅子潤

君如春日一團和我欲衝寒載酒過返
照落時風已緊凍雲深處雪仍加袁安

更作牛衣卧孟浩空懷灞水哦逐客廣
文俱索寞織歌何處擁紅羅

嘆老

少昔者諸老陋麤厭所為手巾常自把
唾噐動相隨罷食刺牙齒呼兒鑷鬢絲
忽然俱到我人事可堪悲

丙申除夕意甚悽惋夜久不寐遂
賦七律明日錄奉橘亭

與君懷抱雖相似苦樂今宵有不均黃

色一堂君戲綵白雲千里我傷神愁多
每作無眠客坐久還如守歲人情緒逐
年加一倍年々只自淡添痕

寄吉甫

為碧沙察訪病
卧故寄此詩

天涯同病未相尋鄉思新年各不禁窮
達豈能忘故國鍾儀莊舄古猶今

人日後日摘亭挽佑之馳書約與
我共尋白蓮社余喜甚遂以詩先
之云併小

蓮社佳約吾何辭乎吾聞蓮社
山茶滿開勝事正在此時况與
隴西子共之乎明日吾將騎款
段由江路直趨乎萬德山中君
毋後也如有後者徵詩十篇若
隴西子則浮以太白然後乃徵
纜經元日春雖早南國江山有歲華報
道摘亭留短李明朝蓮社共尋花

書畫竹贈清源

梅雪菊霜皆一端
松雖偃蹇奈枝蟠
此君超脫真君子
無暑無寒又直竿

贈別安生

遠投魑魅與誰親
十載江南見主人
惆悵春歸君又去
落花芳草獨吟呻

大游欲行詩以請留

雨餘江浦草青青
惆悵山花已半零
今日泥途行亦苦
何如相對倒芳醞

與亨仲約會于白蓮社以雨不至

作此寄之

為到禪窓日欲醺
山茶花下未逢君
魏文尚赴虞人約
况是春山訪白雲

萬德山中馬上次
亨仲韻口號示之

寂寞春山路
花開爛熳紅
沉吟驢背穩
滄海雨冥濛

奉和子潤二絕

虐炎纔過復愁霖
竹樹參差草屋深
可

恨子桑殆病卧誰能裹飯問長吟
昨日南江風雨昏今朝天色也溫之何
似汀沙垂釣坐共看楓葉晚幡之

謝瓊琚一章奉呈淵谷

靈川之客來何所遂寧城北臨長渚芳
草淒之已衰歇歲晚未歸徒延佇愁如
繁陰鬱不開江鄉寂之無儔侶汭陽之
南有淵谷之中主人心如玉乘鳶昔叅
紫微垣玉帝欣然嘉汝沃胡為來此獨

彷徨掇拾瑤草山之曲自是清都謫仙
人憐我亦曾遊玉局解愁未寄綠芳醕
瓊琚遠投慰局促一見颯之開心神李
杜去後有斯人湘水澹之月色苦二女
鼓瑟啼素烟盧龍塞下草木黃日寒甲
兵鳴鏗鏘清神屈奇儘多態為我一寄
多悲傷豈不登臨一長吟直恐萬里雲
飛揚豈不十襲藏篋笥亦恐半夜衝斗
傍天邊獨把何所之滄洲落日滄滂之

我欲逢瀛寄所思
所思渺々空斷腸

用前韻復呈淵谷

晚涼侵几杖
連草絕楚然
節序已相換
客歸胡不遑
空江鳴急雨
速岫曳輕烟
淵谷可能致
連床談十玄

循彼南陔去
獨看香草悲
連前彩舞意
城上白雲思
落日臨歸路
何人放執紼
秋應催鶴髮
曾次轉離奇

客裏無多事
空耽引睡書
與君意雖密

多病見相踈
峻句秋山瘦
清懷夜月虛
蓬扉空塌翼
雲路幾欹欵

滿地江湖在
茅齋獨閉關
雨連踈竹響
風入古琴寒
徙倚眠書榻
逍遙步藥欄
思君意不盡
聊復結幽蘭

風急長林偃
天昏暮雨來
千愁空倚榻
萬慮獨銜杯
山遶荒村合
江從古堞回
踈花無意緒
冷落為誰開

壹鬱披襟坐
清風颯々吹
窮途阮籍哭

多病茂陵悲世事終無盡吾生更有涯
幽懷何地瀉與子數追隨

偶成

日影回簷落廣庭蘆花度水入疎櫺風
高遠樹蟬愁老霜近荒郊草減青

聞忍齋開舍於鉢山寄題二律

銅赤之東漢水湄有山如鉢可棲遲晝
叅鷗鷺眠書榻夜伴姮娥倒酒卮漠漠
青楓空有恨萋萋芳草幾含悲醉中莫

念江南客結佩孤吟多所思

江北江南路自脩暮雲春樹共離憂鉢
山翠靄連城闕烏次荒烟接海陬留眼

昔年今可想

鉢山曾已
歷覽故云

對樽他日竟無

由多情只有滄洲月夜々相望淚不收

監司以校生等無禮於節度使補

軍額校生等告寃又使之作詩隣

有老堂長不能詩代書二絕云

鯨生常恨在南荒孤陋從來不識方但

讀禮經毋不敬况於兵相敢強梁
名添儒籍已多年自幸孤身久廁賢縱
未南溟搏九萬遽編軍伍事堪怜

題畫蘭

團團白露濕蘭皋郁鬱清香怨楚騷誰
是江南流落客暮年相對自叨叨

次韻奉荅和之

我登玉山岑碧海空濛濛照耀青琅玕
鳳凰東南吟奈何難久留落地揚哀音

徘徊撫琴坐瀉我千古心

麻姑有神仙見我笑相持沈瀝充我腸
月斧琢我脾遂令吐清詩江湖生白髭
秋風覺晚晚汗漫唯盱之

我逢淵谷子倚劍聊短歌為我色惆悵
臨風散猗那贈以瓊瑤華晶之無奈何
晚交心莫逆更與期浪婆

樛流俯積蘇齊州在何方四海若坳堂
兔走烏亦忙一氣漸浩浩快我千結腸

愉娛不自抑回首南北忘

詠梅

庭畔梅花凍不禁孤芳苦被雪霜侵
低徊無限江南意獨把長枝為一吟

題僧詩軸韻

無上菩提爾可登此身圓對我何能息
言從此求心法何處長明無盡燈

題畫竹贈守初

江南有寒碧鬱鬱臨汀渚與君不同賞

徙倚空廵行况茲秋風晚客懷更悽楚
結佩豈無蘭奈此零露漙此物獨可愛
幽軒寄君去不啻慰相思所貴同寒暑

次韻題僧詩軸

流落江南兀喪真幾年長憶解空人
逢僧今日還無語時有清風為掃塵

奉次景仰韻題清師詩軸

膠擾擾歸虛月落江空一夢餘
無限世間緣業外白雲飛錫獨多渠

有僧自嶺南而來所持詩軸有雲
卿景仰亨仲叔奮等作余見而喜
之遂次韻贈之

十載投荒萬死餘故人箕斗廢音書偶
憑衲子聞消息更見新詩喜卷舒適老
妙言追杜甫湖陰峻法過黃初最怜羅
菑白蓮子句語清酸如嚼蔬

萬事人間杳不聞十年巡行內江濱迨
迨芳渚蘭心苦漠漠離屋月影分白髮

不堪吟楚調青山何處對爐熏多情為
賦青田鶴聊效坡公贈惠勤

贈琴師

十年沉落惜離群今日江南偶見君最
憶柳亭斜月下綠樽閑與玉人聞

昔與矐之相別吾適有疾不及贈
言此後湖嶺遠隔音耗寡者子
今五月餘情不自禁遂作五絕七
篇奉寄矐之以示停雲之思

寒落桐華洞蕭然冬栢亭相思人不見
江路草青々

軟綠初逢子黃花又別君暫時空聚散
還似嶺頭雲

十載周南客逢人幾別離可伶江上柳
無復有尖枝

汀洲春復至江柳欲黃時可惜曾遊地
徘徊空自悲

汀渚月明夜落梅吹笛時空懷離別恨

無復故人期

草屋臨江渚柴扉倚竹林
遠梅淡相對

終日獨沉吟

嶺外思人久今朝驛使來
楚纍無寄物
賴有一枝梅

奉寄橘亭

寒落江南已半春
岸花汀草客懷新
可伶太瘦非吟苦
為是思人不見人

不是傷春厭見春
風光此地幾回新
斜

陽江路空延佇雲樹茫々愁殺人

春雨獨坐有感

濛々暗汀渚濯々濕年華遠野迷青草
長江生白波旒々風色軟藹々烟光多
大抵發生意憔悴我獨何

奉謝淵谷先生見訪

魁髀之逕望公來為向柴扉手自開半
世悲歡俱白髮六年情思接清杯盤羞
草率唯魚菜遶實蕭疎雜竹梅多謝先

生珍重意夕陽留待野雲迴

白鷺翻飛自往來小堂斜日綠樽開樹
陰蒼翠偏侵榻山影參差更蘸杯既命
厨人燒竹笋又呼稚子摘楊梅村家興
味俱疎淡未使山公倒載迴

復用前韻錄奉淵谷先生

山雲過盡野雲來徙倚軒窓一笑開暫
把素琴彈古操閑斟綠酒倒深杯高懷
自是同巖鶴詩興何須賴閣梅只惜浮

生流落夕滄波一去杳難迴

竹下清飈洒面來岸巾隨意北窓開夜
邀明月為賓侶日課新詩當酒杯寂
長洲唯白石絲之細雨正黃梅老郎於
此渾閑意更看山雲去却迴

草屋何時匡鼎來柴扉日之面江開厭
看蟹眼翻瓦甍不見羔兒亞玉杯已向
虞朝甘竄放何日商鼎作盞梅天涯莫
逆唯君在肯向山陰興盡迴

奉次淵谷韻

陶君解佩何其亟八載湘纍歸去遲衰
歎從來人共棄龍鍾相對又霜髭
仲蔚門前何寂寞蓬蒿滿地夕陽遲往
來車馬無人問獨卧軒窓撫短髭

謹步惠韻聊綴鄙懷奉酬淵谷先
生

中年憂患病無侵况復南音倍越吟杳
杳雲山空有恨悠悠塵世便無心沙鷗

泛之終難托
連竹蕭々可共襟
待得月明江上路
小樽聊與玉人斟

天中節奉懷淵谷先生仍賦七律

錄呈

節屬端陽未得同一江
橫隔野雲中誰將角黍
金盤薦競戲鞦韆里巷
空悵望浙江憐至孝悲
吟湘水憶孤忠清都昔
日今荒裔團扇宮衣思
不窮

奉次大樹寶林寺詠懷韻

若人畸於世索然而離
屈欣々何以娛傍有琴
與書悲秋或不禁客堂
空躊躇枉渚叫孤鴈涸
澤卧枯魚沉吟有所思
月影來徐々我詩既復
成七哀比何如清窮月
難掩咀嚼如冰蘚為問
石川叟胡為乎歛歎陶
君豈本志欽慕真迂踈

石川詩有慕之之意故及之英々明月珠不必沉沉

只有靈川翁抱獨如逃虛
大樹寓寶林寺詩以先之

林子棲遲處秋山奈老何
楓巖照丹葉菊岸落金花
忽憶臨溪興應同對月歌
會當騎款段直訪白雲家

吉甫還鄉橘亭詩以贈之余玩吟
數三遂用其韻錄奉行軒

故園風物秋當過香稻銀鮮興若何
最羨老萊懽膝下北堂黃色上眉多
流落江南病亦愁鬢先黃葉著深秋
陽佳約還離恨蘆葦蕭蕭白鷺洲

贈別仲覺三絕

詩書儒雅儘超群卻毅千年又見君
誰向龍堆枯萬骨折衝樽俎是奇勳
昔日逢君意氣傾今朝相見故人情
慙慙斗酒滄江上把臂看雲話此生
寥落汀洲欲盡春萋萋芳草送情親
可憐別後空瞻佇落日青山愁殺人

詠新竹

數叢新竹聳前林箇箇尖長意不任月

送流輝初試影風將爽氣暫搖音孤標
豈啻醫人俗高韻終當和舜琴可惜老
郎偏愛護一軒唯待翠連陰

早秋雨中偶書

淒々斗覺歲年道忽々離愁暗不收揚
柳池塘風色老梧桐院落雨聲秋雲陰
慘々迷長渚海氣濛々沒遠丘多少蜻
蜓飛上下故沾輕翅點書樓

秋思三篇錄奉石川先生兼簡補

亭主人求和

煩憂恒襲積秋至復如何橘叟思徒苦
石川望亦遐野池摧短柳村巷颯踈麻
忽々年芳歇凝情誰為嗟
若人瑩如玉使我悵離襟極浦繁陰重
層城落景沉迢々綿嶺路漠々迫雲岑
萬事忘懷久於茲獨不禁

江介秋將晚客懷胡不悲二毛潘省鬢
九辯楚臣辭繁露芳蘭泣輕風杜若衰

離屋無限意何處行幽期

戲賦二絕奉呈膺之

春部卽官興正奇東郊觀德醉羔兒回
頭落日長橋畔細馬紅顏知是誰
雲雨荒臺若箇邊山中一夢儘依然相
逢此日情何許苦說離懷是可怜

別膺之後作一絕追寄路上

短亭斜日送君歸北路悠々望漸微回
首與君同樂處碧江芳草獨依依々

次韻奉邀梁處士

筭臺松下十尋高俯視江郊白鷺豪蕭
寺爭碁何太俗會文今日莫辭勞

再用前韻奉答梁處士

巾山處士道名高睥睨紛々一世豪八
十年來身更健徧遊湖海不曾勞
小村寥落掩柴扃石逕崎嶇斷客行處
士此時來剥啄竹林深處可相迎

送驢子于橘亭

多病年來奈爾何不衝風雪
廢吟哦滿橋千載酸寒意
付與江南學士家力侔龍象
爾何爭山水清遊可共行
但怕主人應被召江郊芳草
獨長鳴

月夕訪許莘叟

扣門斜月入蠻堂
桐葉西風夜意涼
萍水一場俱是客
共驚湖海歲年忙

奉次梁大春韻

寥落汀沙淨
清秋已暮年
江閩催鐵笛

城火起炊烟
故國千山外
悲懷十載前
乾坤空俯仰
人事儘悠然

倏忽人間事
盈虛僅十年
朋知幾存沒
湖海各風烟
斜月江樓畔
悲歌楚水前
王孫歸不得
秋思已蕭然

大樹書以贈秋扇
余口號作詩寄

謝

秋來苦相憶
悵望東南雲
茫然無所見
逝川
○
云
今朝驚剝啄
一札傳慇懃

秋風正高屬落葉欲紛之於此贈涼篋
予意何其勤棄捐真可惜寄我楚江濱
毋歲篋笥中此語古所云見此心更悲
有淚傾河汝手把不敢釋珍重如對君
奈何羅當翁日夜長熏之為語故人意
此翁與我同悲欣

朴進士妻氏挽章

鬱之遮蘭秀悽之潘省悲奠床蛛網杓
靈室月窺帷人代年何促泉臺夜自遲

孟光非獨羨一邑頌閨儀

列之行楸遠魚軒去莫追悼亡空有賦
偕老竟無期素幄禭之舉丹旌獵之吹
門闌餘慶在蘭王捻清奇

挽章

掌珠曾幾失鳳去且辛酸願之人間苦
融之地下歡奠床霜月照泉路曉雲寒
八袞宜家德空留一世者

夜不得眠書事

卧看膏火自相煎萬慮填胸苦未眠枕
上忽聞孤鴈叫無端情思到詩邊
颶風助勢動寰區終日雲屯未許驅恠
雨夜深魑魅喜平林廣野叫相呼

奉送金子潤赴校書正字

我承嘉惠投魑魅避之隙方江之南瘴
霧浸滄地恒泄飛鴛墮跼空甍我所
甘分人所厭君胡為乎來相參廣文風
味亦酸冷迺是窮宦非人堪况此炎荒

何睢盱相逢豈不樂且湛自擬青蒿倚
長松喜益顛倒忘辛甘投心坦々謝町
町肝膽相照如澄潭我卜小村結茅屋
訖功仍命桐華菴洞名桐華故云籬邊綠水帶
汀洲窓外長風驅烟嵐子喜幽閑日討
尋我無以供唯清談我堅詩壘君或挑
各張筆鋒爭幽探方其快意走鮑謝眼
底風烟相吐舍仍之膠流訪支提俯臨
溟渤之泓涵方圓鴻濛香一視獨有漢

高麗續本卷三
五十三
攀微如簪太白所云落雁峰等視培樓
亦可慙相與抵掌笑浮生自繞世網同
春蚕帝閤咫尺通呼吸叫號不聞心如
惔低徊落日下石磴更同白足眠雲龕
擊汰澄江弄明月亭臯穩酌春花醺頰
君幾許慰窮愁瞥眼之間歲已三我病
杜門謝往來苦被君求遊或耽客中會
合最難恃奈此長路騰征驂况當春氣
方和煦納陽江色深接藍雖累十觴不

能醉夕陽放歌徒為酣君歸道山近日
月天祿閣上常研覃獨怜孤臣未賜環
八載鬢髮空髮々悲辛在顧不自止日
夜掩泣還如暗我無縞帶何所贈古人
所戒其惟醜子潤嗜飲故云丈夫事業要磊落
行跡遠地猶可諧聞君同僚有一翁清
癯正如叅瞿曇元賓所與如元賓相對
說我應誦々莫言憔悴損天真只傳年
來方患痰

哀內

時在殯

春深入去後萬物摠堪哀歲月終無盡
音容邈不開襟之風舉幄寂之鳥窺杯
一室雖同在冥之意自摧

寶林寺與大樹約會往訪則已還
矣意甚悵然作短篇追寄云

我來君去後猿鶴愁空山幽桂獨芬芳
徘徊誰與攀唯有讀書處白雲空往還
佳期不可忘延佇乎巖間

次韻別佐之

乾愁兀之似心齋淺盞難堪別恨排佳
約晚尋春去後綠陰深處悵分街

又贈子潤別

江臯梅已圻春意正芳妍細草侵歸路
斜陽帶別遙炎州千里外芸閣五雲邊
苦樂雖云異離懷各黯然

游宦三年客窮愁八載人琴樽同對月
杖屨共尋春未俗心何古他鄉意更親

平生離別恨今日最傷神

離別人間事窮中最不禁
可憐雲樹意
賴有死生心
征馬將騰路
斜陽欲隱岑
低徊情不盡
把臂坐江潭

題畫竹

森々各新意競拔欲超群
正如年少日

游學志凌雲

右新竹

雨浥頭搶地枝葉自離披
欲免泥塗困
何意上階墀

右雨竹

直幹何年折隙地托殘根
拂雲那有意

雨露荷恩光

右老竿

天風吹長竿偃然鳴瑟々
伶倫雖不顧

清韻自諧律

右風竹

少者擁錦襪長者纔脫袍
見爾多子姓

老我益切々

右笋竹

憔悴難結實鳳凰誰為臻
萬類共天地
此物獨不春

右枯竹

生意苦不足病葉日蕭騷
漠々天何遠

哀音叫不高

右病竹

青之冬可貴雪壓白模糊不知天上月
為爾照臨無

右雪竹

復用秋思韻再奉石川

石川有佳士抄世喜同襟望極海雲暗
地偏河鯉沉清詩逼寒月高義薄層岑
僵蹇悠之裡相思孰可禁

長吟臨曠野寥落暮雲悲月照滄江吟
風高象葉辭浮生誰歎老大運竟同衰

忽覺芸之理將從達者期

尹亨仲妻氏挽章

擇對歸儒素雄文似子雲榮枯同半世
生死隔孤墳泉路薤聲怨松扃月色分
悼亡情不盡醉裡幾呼君

婦德稱鄉曲天齡三十春容儀空閉土
珩佩已封塵素幄唯啼稚空堂不見人
樂天千載恨感月幾吟呻

橘亭對南麓新塚起崔嵬漠之朝昏望

蒼々松柏哀灞陵空寂寞粟里獨摧頽
但有華元善悲懷稍可裁

朴訥齋挽章

歲至龍蛇日英賢此殞身西州人痛哭
東郭馬逡巡伯厚何清烈馮君更惠仁
文辭小子短何得寫光塵
自為如蟬翼奉公唯一心樂天從得失
隨俗詎浮沉零落逢辰歲樵枯泣士林
平生勇退意狼狽未投簪

泉路人何遠江臯落木號悠悠空宇宙
落落幾英豪句法秋山瘦名聲北斗高
如何枳棘裏王事獨賢勞

才行人倫表訥齋千古名生時空物望
死後見群情陳迹金華省修文白玉京
羊儀雖不見萬古想精英

大夜無時曉斯人向此行榮交心獨淡
窮友意偏傾梁月杜陵句江楓宋玉情
世緣今未了問業向他生

白石青楓泣楚纍十年羈病有誰悲酒
錢多賴蘇司業詩句頗煩杜拾遺異域
忽逢傷往日窮途偏感助生時受恩知
已俱如許悵望歸雲泪更垂

蕭々風樹忽成悲人世光陰去莫追難
身難兄二郎在能文能武一時推誠懸
魏闕飛雙隼化洽黎民頌兩歧可惜堂
々醫國手只令雲水弄清詞

伽智西溪憶舊遊清尊白石興悠々風

流正似蘭亭會勝事還如赤壁秋遷客
此時虞骨相使君當日謝宣州談鋒健
筆渾如昨苦淚滄江浩不收

萬古遺風不復聞如何夫子獨清芬悠
々事業空齋志落落々文章早策勲芳草
沈湘思魏闕凝香燕寢事天君人間自
是區々小寧遂飛仙向白雲

斯人何事早云凶天上文星已暗光虎
脊龍文添氣力雲芥月斧琢肝腸死生

人世雖常理禍福乾坤孰主張痛哭西風
無限意夕陽長望薦汀芳

題安師所藏青山白雲圖示橘亭

白雲本多事溶滄山之中山色青可攬
頃刻失其容方其相頽洞青白俱鴻濛
數岫獨微露點如空雲雖暫時滅山亦
有時遲速雖不同物變固無窮吾觀山
之崖小屋倚長松略約橫碧溪之水鳴
玲瓏吾欲棲其中一室抱枯桐優游萬

物外變幻付化工此意與誰傳其唯橘
亭翁

贈金上庠厚之

海外聞名久今朝始見君風儀麟瑞世
萃藻虎斑文笛叫添清興秋晴澹夕曛
相知無老少一室共蘭薰

六

高靈世稿續編卷之三

高靈世稿續編卷之三

高靈

